

# पावलसे तीतसदा भिबा चिठी

## चु चिठीला बारेरी पाङ्तो:मा

**भिबा म्हि:** मुल चेला पावलसे भिबा मुबा (तीतस १:१)।

**भिबा ग्ला:** कोरिन्थ शहररी भिबा मुबा।

**भिबा साल:** ओस्पन ईश्वी संवत् ६३-६५ (विक्रम संवत् १२०-१२२)  
सालला गुडरी भिबा मुबा।

**खाल्दा भिबा:** तीतस भिबा म्हिदा भिबा मुबा।

तीतस चा अर्गु य्हलला म्हि मुबा। थेसे थार्बा पिन्बा समाचार थे:ना लबा गेरी पावलदा हो लमुबा। पावलसे क्रेट भिबा शहरला मण्डलीदा च्याबाला लागिरी तीतसदा थे शहररीन थान्जी। चु चिठीरी गोर सोम मुल तामगदे भिबा मुला।

जम्मान भन्दा डाचछाला ताम चा क्रेटला ल्हानान म्हिगदेसे नइबा गे लबासे लमा पावलसे तीतसदा मण्डलीदा च्याबा म्हिगदेला बानीबेहोर खाहङ्बा ततो:ला भिसी घोना लबा मुला। अर्गु ताम चा मण्डलीरी मुबा खेण्बा खुइ दोबागदेदेन भ्योनगदे ओच्छे नोकरगदेदा खाहङ् लसी लोण्बा भिसी घोना लबा मुला। अर्गु ताम चा पावलसे तीतसदा तिगै तामरी ईख आथान्ना, छेबा बङ्बा आलना, मण्डली न्हडरी फेना लबा तामग्याम जोगब तउ ओच्छे सोजो तसी जम्मानदेन छ्याम ढिक्सी ख्रीष्टियान बानीबेहोर अन्छार भ्रतो:ला भिसी सल्लाह पिन्बा मुला।

### मुल तामगदे

- फ्याफुल्बा १:१-४
- मण्डलीदा च्याबा म्हिला बारेरी लोण्बा तामगदे १:५-१५
- मण्डलीरी मुबा जम्मान समूहगदेसे लतो:बा गे २:१-१५
- सल्लाह पिन्बादेन होशियार तना लबा ३:१-११
- चिठीला थुमरी पाङ्बा तामगदे ३:१२-१५

# पावलसे तीतसदा भिबा चिठी

१ लास्सो डा परमेश्वरला गे लबादेन येशू ख्रीष्टला मुल चेला पावलग्याम फ्याफुल्ला! डादा परमेश्वरसे धम्बागदेला विश्वास ल्हेना लबादेन परमेश्वरदा खाहड लसी तेन्बा भिबा सत्य ताम लोप्बारी धम्बा हिन्ना। २ चु सत्य तामग्याम चा य्हाडदा जुकजुकधोनाला जुनी याड्ला भिबा आश खमुला। ओच्छे खाइमै लुसीला ताम आपाड्बा परमेश्वरसे य्हाडदा चु जुनी पिन्ना भिसी जम्बुलिड स्होबा भन्दा डाच्छान कबुल लसी जिन्बा मुबा। ३ ओच्छे प्रभु येशूसे ठीक धुइरी डादा चु ज्यबा समाचार उन्जी। चुनोन ज्यबा समाचार थेःना लबारी य्हाडदा थार्बा पिन्बा परमेश्वरसे कुल्बा अन्छार डादा जिम्मा पिन्जी।

४ विश्वास गिकनोन तबासे लमा डाला हाडलान भा दोबा तीतसदा परमेश्वर आबादेन य्हाडदा थार्बा पिन्बा येशू ख्रीष्टग्याम दयामायादेन शान्ति तगै।

क्रेट भिबा य्हल्सारी तीतससे लबा गे

५ डाइ कुल्बा अन्छार थेरी बाँकी मुबा गेगदे जिन्ना लबारीदेन जम्मान

ग्लारी मण्डलीदा च्याबा म्हिगदे धम्बाला लागिरी डाइ एदा क्रेट भिबा ग्लारी थान्बा हिन्ना। ६ मण्डलीदा च्याबा म्हिगदे तिगै दोष आरेबादेन म्रिड गिक जे मुबा ततोःला। ओच्छे थेला कोलागदेएनोन विश्वास लबा ततोःला। आज्यबा बानीबेहोर थोबादेन कुल्बा ताम आड्यान्बा तबारी आत। ७ तिगदा भिसम परमेश्वरला गे लबारी जिम्मा पिन्बा म्हि तबासे लमा मण्डलीदा च्याबा म्हि चा तिगै दोष आरेबा ततोःला। थे हाडला सुरसे भ्रबा, योनान बोमो खबा, भि आइरक थुड्सी ड्य्होइसी भ्रबा, छेबा बड्बा लबा, धन सम्पत्तिरी लोभ लबा म्हि आहिन, ८ तर डोन्बोगदेदा मान लबा, ज्यबा तामरी जे सेम लबा, हाडसे हाडदान तहरी थान्बा ततोःला। ओच्छे परमेश्वरदा सेम निबा बानीबेहोर थोबादेन चोखो ओच्छे जस्तोन दुख तसैनोन नाखम्बा म्हि ततोःला। ९ थेदा लोप्बा विश्वास लखम्बा बचनरी थे कोड्सी चितोःला। तिगदा भिसम थेसे घोबा सत्य ताम अन्छार थेसे स्थान्दोदा लोप्बारी खम्गै।

थेसे लोप्बा तामगदेदा बिरोध लबा म्हिगदेला गल्ली उन्खम्तोःला।\*

१० तिग्दा भिसम ल्हानान म्हिगदे स्थहान्दोला ताम आङ्यान्बादेन आतोःबा ताम पाङ्बा ओच्छे लुसीला ताम पाङ्बा तमुला, भन खतना लबागदे<sup>१</sup> थेहङ्बा तमुला। ११ थेतबासेलमा थेनीगदेला सुड बन्द तना लतोःला। तिग्दा भिसम थेनीगदेसे हाङला फाङ्दाला लागिरी आतोःबा ताम लोप्सी जम्मान म्हेमेगदेला विश्वास न्होङ्ना लबा मुला। चुहङ्बा ताम चा थेनीगदेसे लोप्बारी आतमुबा। १२ थेनीगदे न्हङला अगमवक्ता गिकसे “क्रेटला म्हिगदे सदन लुसीला ताम पाङ्बादेन पशुला हङ्बा बानीबेहोर लबा ओच्छे ल्हाना चबा ब्लेगुगदे तला” भिसी पाङ्मुबा। १३ चु ताम सत्य हिन्ना। थेतबासेलमा थेनीगदे विश्वासरी पाको म्हि दोगै भिसी थेनीगदेदा ल्हानान बङ्गो। १४ ओच्छे थेनीगदेसे सत्य तामदा रुलाबा म्हिगदेसे कुल्बा तामदेन सेमरी म्हन्सी पाङ्बा यहूदीगदेसे स्होसी पाङ्बा कथारी सेम थालगै।

१५ चोखो सेम मुबा म्हिगदेला लागिरी जम्मान स्हे चोखो तला। तर चोखो सेम आरेबादेन स्त्रीष्टदा विश्वास आलबा म्हिगदेला लागिरी चा तिगै स्हेनोन चोखो आत। तिग्दा भिसम थेनीगदेला

सेमदेन थेनीगदेसे म्हन्बा तामनोन चोखो आरे। १६ थेनीगदेसे परमेश्वरदा डोसेबा मुला भिसी मी पाङ्मुला, तर थेनीगदेला गेग्याम चा आउन्मुला। ओच्छे थेनीगदे परमेश्वरला डाच्छा नङ्बादेन कुल्बा ताम आङ्यान्बा म्हिगदे तमुला। थेतबासेलमा थेनीगदे खजिबै ज्यबा गे लबाधोनाला आरे।

### जजा म्हिहेन्से घ्रेन म्हिधोनादा लोप्बा ताम

२ तीतस, एसे चा म्हिगदेदा सत्य ताम अन्छार खाहङ् लसी भ्रतोःला थे ताम जे लोप्गो। २ खेप्बा म्हिगदेदा सेम नाबारी, जम्मानदेन छ्याम ढिक्बारी, ज्ञान बुद्धि थोसी चिबारी, ओच्छे विश्वासरी पाको दोबारी, माया लबारीदेन दुख तबा धुङ्गरी नासी चिखम्तोःला भिसी लोप्गो।

३ चुहङ् लसीन खुङ दोबा म्रिडम्हेमेगदेसे परमेश्वरदा तेन्बा बानीबेहोर थोतोःला, स्थहान्दोदा आतोःबा तामरी दोष थालउ, ओच्छे भि आइरक थुङ्गसी ड्य्होइबारी आत भिसी लोप्गो। थेनीगदेसे जुन ताम ज्यबा मुला थे ताम लोप्तोःला। ४ खुङ दोबा म्रिडम्हेमेगदेसे छामे म्रिडम्हेमेगदेदा हाङ हाङला हेम्बोदेन कोलागदेदा माया लबारी, ५ जम्मानदेन

१:१० “खतना लबागदे” भिबा चा यहूदी स्त्रीष्टियानगदे हिन्ना।

१:६-६ १ तिगो ३:२-७

छ्याम ढिक्सी हेम्बोसे कुल्बा ताम  
इयान्बा, दिमनाम लखम्बादेन दया  
लबारी ओच्छे हाड हाडला हेम्बोला  
तहरी चिबारी थेनीगदेदा लोप्तोःला।  
चुहङ् लजी भिसम परमेश्वरला  
बचनना हेला आत।

६थेहङ् लसीन भ्योन म्हिगदेदाएनोन  
हाडसे हाडदान तहरी थान्सी भ्रउ  
भिसी पाङ्गो। ७एसे लबा जम्मान  
गेग्यामसेन एला ज्यबा बानीबेहोर  
उन्नो, ओच्छे ए होशियार तसी सत्य  
ताम लोप्पो। ८लोप्बा धुइरी खालैसे  
थाबारी आखम्बा सत्यदेन ठीक ताम  
लोप्पो। थेहङ् लजी भिसम य्हाडदा  
बिरोध लबागदेसे तिगै पाङ्आखम्ना  
थेनीगदे हाडनोन पेःला।

९नोकरगदेदाएनोन हाड हाडला  
मालिकला तहरी चिसी जम्मान  
तामग्याम हाडला मालिकदा ताङ्ना  
लउ। ओच्छे हाडला मालिकदा सुड  
थादोःगो भिसी लोप्पो। १०थेनीगदेसे  
तिगै य्हो थालगै। तर थेनीगदेसे लबा  
जम्मान गे ज्यबादेन पूरा विश्वासला  
तगै। थेहङ् लसीन जम्मान तामरी  
थेनीगदेसे य्हाडदा थार्बा पिन्बा  
परमेश्वरला बारेरी लोप्बा तामदा  
अभ्र जेना लगै।

११तिगदा भिसम परमेश्वरसे जम्मान  
म्हिदा थार्ना लबारी हाडला दयामाया  
उन्बा मुला। १२थे दयामायासे  
य्हाडदा परमेश्वरदा तेन्आपुङ्बादेन

जम्बुलिङला स्हेगदेथोरी लोभ लबा  
सेम रूलापुङ्गला। ओच्छे चु जम्बुलिङरी  
हाडसे हाडदान तहरी थान्सी  
परमेश्वरदा सेम निबा बानीबेहोर  
थोबादेन परमेश्वरदा तेन्सी भ्रबारी  
लोप्बा मुला। १३ओच्छे य्हाडदा थार्बा  
पिन्बा जम्मान भन्दा घेन परमेश्वर  
येशू ख्रीष्ट घेन य्हालदेन शक्तिरी  
दोःसी फेप्खबा धिनना य्हाडसे आश  
लसी चिबा मुला। १४ख्रीष्टसे य्हाडला  
जम्मान पापला छे फासी थार्ना लबा  
मुला। ओच्छे हाडलान लागिरी ज्यबा  
गे लबारी भन्बा य्हुल गिकदा चोखो  
तना लबारी हाडलान ज्यान पिन्जी। \*

१५एसे चु तामगदे पूरा अधिकार  
लसी लोप्पो, ओच्छे पाङ्बा ताम  
आङ्यान्नी भिसम थेनीगदेदा बङ्गो।  
एदा खालैसेन हेला थालगै।

### ज्यबा गे जे लउ

३ शासन लबा म्हिगदेदेन सरकारी  
गे लबा म्हिगदेसे पाङ्बा ताम  
इयान्गो ओच्छे थेनीगदेसे कुल्बा ताम  
इयान्बारीदेन ज्यना लसी गे लबारी  
विश्वासीगदेदा ढन्ना लसी पिन्गो।  
२ओच्छे थेनीगदेसे खालैला बिरोध  
लबादेन छेबा बङ्गबा लसी थाभ्रगै।  
ओच्छे सोजो तसी जम्मान म्हिदेन  
छ्याम ज्यबा बानीबेहोर उन्नै।

३तिगदा भिसम डाच्छा य्हाडएनोन  
मूर्ख, पाङ्बा ताम आङ्यान्बा, तिगै

आघोबादेन आज्यबा म्हन्बा, मोजमजा लबा ओच्छे डाह लबा, पापी सेम थोबा, स्थान्दोसे हेला लबादेन गिकसे गिकदा हेला लबा मुबा। ४तर य्हाडदा थार्बा पिन्बा परमेश्वरसे हाडला दयामाया उन्मा, ५थेसे य्हाडदा थार्ना लबा य्हाडसे ज्यबा गे लसी आहिन, तर थेला दयासे हिन्ना। थेसे य्हाडदा परमेश्वरला आत्मासे खुसी दोःसी न्हना लसी छार जुनी पिन्बा मुला। ६थार्बा पिन्बा येशू ख्रीष्टग्याम परमेश्वरसे य्हाडदा ताड्सी ताड्सी थेनोन आत्मासे प्लिङ्ना लजी। ७तिगदा भिसम परमेश्वरला दयासे लमा य्हाड परमेश्वरदा सेम निबा म्हि दोजी। ओच्छे य्हाडसे आश लबा अन्छार जुकजुकधोनाला जुनी याड्बा हक याड्बा मुला। ८चु ताम सत्य हिन्ना। थेतबासेलमा परमेश्वरदा विश्वास लबागदेसे ज्यबा गे लउ भिसी एसे थेनीगदेदा भड पिन्गो भिबा डाला सेम मुला। तिगदा भिसम म्हिगदेला लागिरी चु ताम ज्यबादेन गे खेल्बा मुला।

९तर मूर्ख तामदेन ओन्माला ताम ओच्छे परमेश्वरसे मोशादा पिन्बा ठिमला बारेरी कल लबागदेदेन छेबा बड्बा लबागदेग्याम थारेड चिउ। तिगदा भिसम थे य्हाडदा आतोःबादेन गे आखेल्बा ताम हिन्ना। १०ओच्छे

छेबा बड्बा लसी फेबा म्हिदा तिरेम न्हीरेम सम्भब लउ, सम्भब लसै आड्यान्नी भिसम थेदेन छ्याम संगतनोन थालउ। ११एदा चु ताम थानोन मुला, चुहड्बा म्हिदा इज्जत आरे। ओच्छे थेसे लबा पापग्यामसेन थेसे हाडला दोष हाडसेन उन्ना।

### ढन्तोःबा ताम

१२डाइ अर्तिमासदा तसै तुखिकसदा तसै ए मुबा ग्लारी पुइखला। थे खमैछ्याम ए खमतेधोना डादा हुप तबारी निकोपोलिस भिबा ग्लारी खउ। तिगदा भिसम डाइ सेख् भर थेरीन चिबा सेम लबा मुला।\* १३जेनास भिबा वकीलदेन अपोल्लोसदा ग्यामरी ह्यो लसी पिन्गो। तिगदा भिसम खमतेधोना थेनीगदेदा तोःबा स्हे याड्गै।\* १४य्हाडला म्हिगदेसे आरेनान आतबा स्हेगदे स्थान्दोदा पिन्बाला लागिरी सदन ज्यबा गे लबारी लोप्तोःला। थेहड् लजी भिसम थेनीगदेला जुनी खेरोरी आनि।

१५चुरी डादेन छ्याम मुबागदे जम्मासेन एदा फ्याफुल्ला भिसी पाड्बा मुला। डन्दा माया लबा थेरी मुबा जम्मान विश्वासीगदेदा डन्सेनोन फ्याफुल्बा मुला भिसी पाड्गो।

एनीगदे जम्मानदेन छ्याम परमेश्वरला दयामाया तगै।